



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNIK

Broj: 01/13-04-5345/25
Sarajevo, 08.10.2025.godine

Na osnovu Plana Grada Sarajeva za prevenciju i smanjenje otpada od hrane i gubitaka hrane 2023–2026, usvojenog na 21.sjednici Gradskog vijeća Grada Sarajeva, broj 01-GV-02-1828/22 od 30.11.2022. godine, a u cilju realizacije mjera definiranih ovim dokumentom, Grad Sarajevo raspisuje:

JAVNI POZIV

za učešće u inovacijskom izazovu smanjenja otpada od hrane

Grad Sarajevo, u saradnji s inicijativom Climathon, poziva sve građane, organizacije i kreativne timove da se uključe u inovacijski izazov s ciljem smanjenja otpada od hrane, promocije održivog razvoja i podizanja ekološke svijesti u lokalnoj zajednici.

Za najinovativnije ideje koje nude održiva, praktična i primjenjiva rješenja za problem otpada od hrane, osiguran je nagradni fond u iznosu od 15.000 KM.

Ovaj izazov prepoznaje važnost lokalnog djelovanja u borbi protiv gubitaka hrane i poziva sve koji žele doprinijeti pozitivnim promjenama da se aktivno uključe.

Zajedno možemo stvoriti grad s manje otpada i više svijesti o važnosti očuvanja resursa!

CILJ JAVNOG POZIVA

Ovaj izazov predstavlja dio šire strategije Grada Sarajeva usmjerene ka održivom upravljanju hranom, te se oslanja na ključni strateški dokument Plan Grada Sarajeva za prevenciju i smanjenje otpada i gubitaka hrane 2023–2026.

Riječ je o prvom dokumentu ove vrste u Bosni i Hercegovini, čiji je cilj podizanje svijesti, pružanje podrške lokalnim akterima te provođenje konkretnih mjera koje doprinose smanjenju otpada na svim nivoima, od proizvodnje do potrošnje.

PRAVO UČEŠĆA NA JAVNOM POZIVU

Pravo učešća na Javnom pozivu imaju fizička lica, start up kompanije i udruženja. Prijave se mogu podnijeti pojedinačno ili u partnerstvu.

Adresa: Hamdije Kreševljakovića 3
71 000 Sarajevo
Tel.: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



Prijave mogu podnijeti pojedinačno ili u obliku konzorcija/partnerstva (npr. start-up + udruženje, fizičko lice + udruženje). U slučaju partnerstva, jedna od prijavljujućih strana mora biti udruženje.

FINANSIJSKA SREDSTVA PREDVIĐENA ZA REALIZACIJU

Kroz takmičenje i prezentaciju biznis ideja, predviđeni fond u iznosu od 15.000,00 KM biti će raspoređen između dvije biznis ideje, koje uključuju kreativnu soluciju, funkcionalnu realizaciju, kao i uključuju aktivnost i implementaciju u sklopu lokalne zajednice. Ideje koje budu nagrađene moraju biti implementirane na području Grada Sarajeva.

Sredstva za ovu namjenu nalaze se u Budžetu Grada Sarajeva za 2025.godinu, na budžetskoj stavci 614 300: Implementacija mjera iz Plana Grada Sarajeva za sprječavanje otpada od hrane i gubitaka hrane 2023–2026.

PRAVO NA LU NAGRADE

Zbog prirode budžetske stavke iz koje se sredstva isplaćuju, nagrada se može formalno dodijeliti isključivo udruženjima (neprofitnim organizacijama). Ako se kao dobitnik predloži fizičko lice ili start-up, obavezno je prije isplate zaključiti ugovor o partnerstvu sa udruženjem koje će biti primatelj sredstva i nosilac isplate.

Prijavitelji iz reda fizičkih lica i start-upova trebaju priložiti izjavu o partnerstvu ili pismo namjere udruženja koje će u slučaju dobitka primiti sredstva.

NAČIN I ROK PRIJAVE

Prijava na Javni poziv vrši se isključivo putem online obrasca koji se nalazi na <https://www.climathonsarajevo.com/>. Prijave se mogu podnositi do 19.10.2025.godine. Prijave dostavljene nakon isteka roka neće biti uzete u razmatranje.

Za tehničku podršku i dodatne informacije, građani se mogu obratiti na e-mail: lejla.beslagic@sarajevo.ba ili pozvati broj: +387 33 221 129, radnim danima od 09:00 do 11:00 sati.

GRADONAČELNIK

Samir Avdić, s.r.